

金匱玉函要略輯義

七

金匱玉函要略輯義卷四

東都 丹波元簡廉夫 著

○黃疸病脈證并治第十五

論二首

脈證十四條

方七首

寸口脈浮而緩。浮則爲風。緩則爲痺。痺非中風。四肢苦煩。脾色必黃。溼熱以行。苦徐本脈經作若

程脈得浮緩者。必發黃。故傷寒脈浮而緩者。繫在太陰。太陰者。必發身黃。今浮爲風。緩爲痺。非外証之中風。乃風熱蓄於脾土。脾主四肢。故四肢苦煩。溼熱行於外。則發黃也。沉風濕鬱結。邪正爲痺。痺者。閉也。因風拒閉。營衛爲痺。非

內經風寒濕三氣之痺。

案痺非中風。文義不屬。恐有脫誤。

此陽脈緊而數。數則爲熱。熱則消穀。緊則爲寒。食卽爲滿。人脈浮爲傷腎。此陽脈緊爲傷脾。風寒相搏。食穀卽眩。穀氣不消。胃中苦濁。濁氣下流。小便不通。陰被其寒。熱流膀胱。身體盡黃。名曰穀疸。額上黑。微汗出。手足中熱。薄暮卽發。膀胱急。小便自利。名曰女勞疸。腹如水狀不治。心中懊懣而熱。不能食。時欲吐。名曰酒疸。脈經女勞疸酒疸各爲別條。徐沉魏尤並同。疸沉尤作瘧。

程此陽胃脈也。數爲熱。緊爲寒。此胃中陰陽不分。清濁相干。寒熱混雜。雖消穀不能傳導。故食卽滿也。尺脈以候腎。

浮爲風。則傷腎。此陽以候胃。緊則寒不傷胃。而傷於脾。風寒相搏。邪不消穀。得穀氣則熾。蒸頭目。故作眩也。穀不消。則胃中之濁氣下流。而小便又不通利。正以腎爲胃關。脾寒被于少陰。則不能行宣泄之令。胃熱流於膀胱。則熱瘀蓄而不行。一身盡黃。因作穀疸也。尤腎勞而熱。黑色上出。猶脾病而黃外見也。額於部爲庭。靈樞云。庭者。顏也。又云。腎病者。額與顏黑。微汗出者。腎熱上行。而氣通於心也。手足心熱。薄暮卽發者。病在裏在陰也。膀胱急者。腎熱所逼也。小便自利。病不在府也。此得之房勞過度。熱從腎出。故名曰女勞瘧。若腹如水狀。則不特陰傷。陽亦傷矣。故曰不

治懷懷鬱悶不寧之意熱內蓄則不能食熱上衝則時欲吐酒氣熏心而味歸脾胃也此得之飲酒過多所致故名酒瘧

巢源云黃疸之病此由酒食過度府藏未和水穀相并積於脾胃復爲風濕所搏痰結不散熱氣鬱蒸故食已如飢令身體面目及爪甲小便盡黃而欲安臥黃疸也殺疸之狀食畢頭眩心忪怫鬱不安而發黃由失飢大食胃氣衝熏所致也女勞疸之狀身目皆黃發熱惡寒少腹滿急小便難由大勞大熱而交接交接竟入水所致也案本經云小便自利可疑

陽明病脈遲者食難用飽飽則發煩頭眩小便必難此欲作殺疸雖下之腹滿如故所以然者脈遲故也發陽明篇作微

經殺疸屬胃熱脈當數今脈遲脾藏寒也寒不化穀所以雖飢欲食食難用飽飽則煩悶胃中填塞健運失常也清者阻於上升故頭眩濁者阻於下降故小便難也此皆欲作殺疸之徵其證原從太陰寒濕鬱熱而生若誤以爲陽明熱濕發黃下之雖腹滿暫減頃復如故所以然者脈遲寒故也此發明欲作殺疸屬脾陰寒化而不可下者也

張氏傷寒心印云按全匱殺疸有二證此則虛寒而冷顯者也傷寒續論云脈遲胃虛下之無益則發汗利小

便之法。用之無益。惟當用和法。如甘草乾薑湯。先溫其中。然後少與調胃。微和胃氣是也。

夫病酒黃疸。必小便不利。其候心中熱。足下熱。是其證也。

程夫小便利則濕熱行。不利則熱留於胃。胃脈貫膈。下足跗。上魚胃。脫則心中熱。下注足跗。則足下熱也。

酒黃疸者。或無熱。靖言了。腹滿欲吐。鼻燥。其脈浮者。先吐之。

沈歺者。先下之。趙本了。作小。程本金鑑同。脈經千金徐沉魏

千金作靜。尤同。程本金鑑作議。紫了。作小。靖作議。並係于後人改定。故今仍脈經等作靖言了了。吐。趙本作嘔。非。

尤酒黃瘴者。心中必熱。或亦有不熱。靜言了了者。則其熱

不聚於心中。而或從下積為腹滿。或從上衝為欲吐鼻燥。

也。腹滿者。可下之。欲吐者。可因其勢而越之。既腹滿且欲

吐。則可下。亦可吐。然必審其脈。浮者邪近上。宜先吐。脈沉

弦者。則邪近下。宜先下也。沈詳先字。要知吐下之後。再以

清解餘熱。不待言矣。葉靖本作靜。同。見後漢崔駰傳註。

千金云。夫人病酒疸者。或無熱。靖言了了。腹滿欲吐。嘔

者。宜吐之。方苦參散七味者是。

苦參散。治人無漸。忽然振寒發黃。皮膚黃。麴塵出。小便

赤少。大便時秘。氣力無異。食飲不妨。已服諸湯散。餘熱

不除。又黃者。宜吐下方。
苦參
黃連
瓜蒂

黃蘗

大黃

黃芩

各一兩○千金關令家翼方補之

葶藶二兩

右六味。治下痢。飲服方寸匕。當大吐。吐者日一服。不吐日再亦得下。服五日。知可消息。不覺退更服之。

酒疸。心中熱。欲吐者。吐之愈。趙非吐作

程前証熱深。則懊懷欲吐。今熱微。則心中熱。亦欲吐。病屬上焦。故一吐之可愈。

酒疸。下之久。久爲黑疸。目青面黑。心中如噉蒜齏狀。大便正

黑。皮膚爪之不仁。其脈浮弱。雖黑微黃。故知之。巢源外臺無二雖黑微黃四

字程八作孫

尤酒疸。雖有可下之例。然必審其腹滿脈沉弦者。而後下

之。不然濕熱乘虛。陷入血中。則變爲黑疸。目青面黑。皮膚

不仁。皆血變而瘀之徵也。然雖曰黑疸。而其原則仍是酒

家。故心中熱氣熏灼。如噉蒜狀。一如懊懷之無奈也。且其

脈當浮弱。其色雖黑。當微黃。必不如女勞疸之色純黑。而

脈必沉也。趙良曰。便如黑漆。其目青與脈浮弱。皆血病也。魏黃變爲黑。如物之初被火灼。則黃。久被火熏。則黑也。

巢源云。黑疸之狀。苦小腹滿。身體盡黃。額上反黑。足下

熱。大便黑是也。夫黃疸。酒疸。女勞疸。久久多變爲黑疸。

千金茵陳大黃等七味方云。夫黃發已久。變作桃皮色。

心下有堅。嘔逆不下飲食。小便極赤。色少。四肢逆冷。脈

金黃。羸瘦。是也。

深沉極微細遲者。不宜服此方。得下必變。吮也。案挑皮色。蓋謂帶黑不明潤。故附記備攷。案汪氏醫學原理云。雖黑微黃者。難治。未知何據。

師曰。病黃疸。發熱煩喘。胸滿口燥者。以病發時。火劫其汗。兩熱所得。然黃家所得。從濕得之。一身盡發熱。面黃。肚熱。熱在裏。當下之。而熱所得之所字。程全鑑作相。而黃趙本。脈經作而黃。徐程沉魏尤並同。案面當作而。

魏此病發時。乃風寒外感之病發也。尤煩滿燥渴。病發於熱。而復以火劫之。以熱遇熱。相得不解。則發黃疸。然非內兼濕邪。則熱與熱相攻。而反相散矣。何痺病之有哉。故曰黃家所得。從濕得之。明其病之不獨因於熱也。而治此病。

者。必先審其在表在裏。而施或汗或下之法。若一身盡熱。而腹熱尤甚。則其熱為在裏。裏不可從表散。故曰當下。蓋但謂其肚熱。其熱在裏。當下之。沉即抱子大黃湯之意也。張沉渴欲飲水。小便不利者。皆發黃。

蓋脈沉主裏也。渴欲飲水。熱瘥也。小便不利。濕鬱也。熱瘥濕鬱於裏。故發黃也。首條謂脈浮緩緊數。皆令發黃。是得之於外因也。此條脈沉。亦令發黃。是得之於內因也。故治黃有汗下二法也。李超曰。脈沉而渴。渴欲飲水。小便不利。則濕熱內蓄。無從分消。故發黃也。腹滿舌痿黃。雖不得睡。屬黃家。

原文釋之非魏云。妻當作委。古胎色正黃無間色。示非躁也。徐沉作燥非。

徐腹滿裏証也。乃有腹滿。而如身痿黃。躁不得睡。瘀熱外行。此發黃之漸也。故曰屬黃家。見當圖治于將成。不得俟既成。而後藥之也。

宗痿黃。卽萎黃。謂身黃不明潤。沉云。濕熱鬱蒸。則腹滿身痿。津血枯燥。土色外越。故黃燥不得眠。此以痿為痿弱之義。且黃燥連讀。謬亦太甚。

黃疸之病。當以十八日為期。治之十日以上。瘥反劇為難治。

刺越本

經高世拭曰。十八日。乃脾土寄旺於四季之期。十日土之

成數也。黃疸之病。在於脾土。故當以十八日為期。然治之宜先。故治之十日以上。卽當瘥。至十日以上不瘥。而疸病反劇者。是謂難治。謂土氣虛敗。不可治也。

疸而渴者。其疸難治。疸而不渴者。其疸可治。發於陰部。其人必振。陽部其人振寒而發熱也。陽部上肢經千金經本金經作微

沉此言表病易治。裏病難治也。胃中濕熱。蒸越皮膚。則一身盡黃。雖發於外。當以表裏陰陽辨證。則知可治與難治。若疸而渴者。邪難外越。胃中濕熱。半居於內。耗竭津液。則渴。津枯血燥。陽火亢極。表裏皆邪。故曰難治。不渴者。熱邪

一發盡越於表。裏無餘蘊。一解表而即散。故曰可治。然邪在胸膈胃腑之裏。爲發陰部。內逆上衝。其人必嘔。其邪盡發皮殼之表。爲陽部。乃太陽所主。故振寒而發熱也。

案疸。本作瘧。瘧熱也。故有消瘧瘧癰等之稱。而熱鬱發黃。謂之黃疸。疸乃非黃病之謂。字書註疸字云。黃病也。誤。然如本條單言疸者。蓋省黃字也。亦不必拘耳。

穀疸之爲病。寒熱不食。食即頭眩。心胸不安。久久發黃。爲穀疸。茵陳蒿湯主之。黃下。肘後有失飢大食。胃氣衝燥所致十字。

程濕熱與宿穀相搏。留於胃中。因作穀疸。尤穀疸爲陽明濕熱瘀鬱之證。陽明既鬱。榮衛之源壅而不利。則作寒熱。

健運之機窒而不用。則爲不食。食入則逆。以助濕熱。而增逆滿。爲頭眩。心胸不安而已。徐頭眩爲穀疸第一的據也。觀方下註云。一宿腹減。此亦必小便不快。而腹微脹可知。茵陳蒿湯方。

茵陳蒿 六兩

梔子

十四枚。陽明熱有掌字。

大黃 二兩

右三味。以水一斗。

先煮茵陳減六升。內二味。煮取三升。去黃從小便去也。

程茵陳以導之。則濕熱行矣。大黃以下之。則宿穀去矣。苦以泄之之劑也。

徐氏傷寒類方云。先煮茵陳。則大黃從小便出。此秘法也。

千金茵陳湯。傷寒七八日。內實熱結。身黃如橘。小便不利。腹微脹滿。宜下之方。即本方。與陽明篇文少異。故附載之。

外臺元汪泰穀疸。茵陳湯。即本方。

又小品三物茵陳蒿湯。療黃疸身目皆黃。皮膚麤塵出。

茵陳蒿 一把 梔子 二十枚 石膏 一斤

千金加大黃 二兩

右三味。以水八升。煮取二升半。去滓。以猛火燒石膏令正赤。投湯中。沸定。取清汁。適寒溫。服一升。自覆令

汗出。

又廣濟。茵陳丸。療黃疸遍身面悉黃。小便如濃梔子汁。

於本方。去梔子。加黃芩枳實蜜丸。

又必効茵陳湯。及九。療一切黃。蔣九處得其父遠使得黃。服此極効。

於本方加黃芩。

千金茵陳湯主黃疸酒疸酒癖。身體面目盡黃方。按外臺云。

水醫按別史記處。

於本方加黃芩黃連人參甘草。

又治發黃。身面目悉黃如金色。小便如濃煮藥汁。

金匱要略卷四

於本方加黃芩柴胡升麻龍膽。

又治發黃方。

於本方加黃蘗黃連九方。更加黃芩。

黃家日晡所發熱而反惡寒。此爲女勞得之。膀胱急少腹滿。身盡黃。額上黑。足下熱。因作黑疸。其腹脹如水狀。大便必黑。時濇。此女勞之病非水也。腹滿者難治。消石礬石散主之。之病。

千金作疸一字。

鑑此詳申女勞疸之爲病。黃疸日晡所發熱。乃陽明熱症。當不惡寒也。而反惡寒者。非陽明熱症。此或爲女勞得之也。女勞得之疸證。雖膀胱急少腹滿。而小便自利。身雖盡

黃而額上則黑。雖發熱惟足下甚。此少陰熱。因作黑疸也。故腹脹如水狀。而大便必黑時濇。知非水脹病。乃爲女勞得之疸。腹病也。時濇黑色者。亦藏病及血之徵也。血病者。顏必變。豈有色黑而血不病者乎。女勞疸腹滿者。爲難治。以其脾腎兩敗也。以消石入血。消堅礬石入氣。勝濕然此方治標固宜。非國本之治。世久書謬。姑辨其理也。七黃家日晡所發熱。乃不發熱而反惡寒者。此爲女勞。腎熱所致。與酒疸發熱不同。酒疸發熱熱在胃。女勞疸熱在腎。胃淺而腎深。熱深則外反惡寒也。膀胱急。額上黑。足下熱。大便黑。皆腎熱之徵。雖少腹滿。脹有如水狀。而實爲腎熱。

而氣內蓄。非脾濕而水不行也。

消石礬石散方

外臺引仲景傷寒論云時後小品崔氏文仲千金范汪深師並同

消石

礬石

燒等分○消石下外臺尤本有熬黃二字

右二味爲散。以大麥粥汁和服方寸匕。日三服。病隨大小便去。小便正黃。大便正黑。是候也。候上徐沉尤有其字○外臺云大麥則須是無

者皮委

程內經曰。中滿者泄之於內。潤下作鹹。消石之苦鹹。礬石之酸鹹。皆所以泄中滿而潤下。使其小便黃。而大便黑也。然礬石主胃脹閉。滌蓄結。礬石主熱在骨髓。而經言勞者溫之。是方得無太峻歟。然所服者。方寸匕耳。和以大麥粥

汁。正所以寬胃而益脾也。

藥消石即火消時珍辨之詳矣下大黃消石湯同

喻氏法律云。礬石礬石散。

從來不解。用礬石之義。方書

誤改爲滑石礬石散。且并改大黃礬石湯爲大黃滑石

湯。醫學之陋。一至此乎。夫男子血化爲精。精動則一身

之血俱動。以女勞而傾其精。血必繼之。故因女勞而尿

血者。其血尚行。猶易治也。因女勞而成疸者。血瘀不行。

爲難治矣。甚若血瘀之久。大腹盡滿。而成血蠱。尤爲極

重。而難治矣。味仲景之文。及製方之意。女勞疸。非亟去

其膀胱少腹之瘀血。萬無生路。在傷寒熱痰膀胱之証。

其人下血乃愈。血不下者。用抵當湯下之。亦因其血之

暫結可峻攻也。此女勞瘕畜積之血必匪朝夕峻攻無益。但取石藥之悍得以疾趨而下達病所。硝石鹹寒走血可消逐其熱瘀之血故以爲君。礬石本草謂其能除銅熱在骨髓用以清腎及膀胱藏府之熱並建消瘀除渴之功。此方之極妙者也。以陳無擇之賢摸稜兩可其說謂無發熱惡寒脈滑者用此湯若發熱惡寒其脈浮緊則以滑石石膏治之。青天白日夢語喃喃況其他乎。世豈有血畜下焦反見浮滑且緊之脈者乎。妄矣妄矣。何氏醫碁云傷寒陽明証發熱者必不惡寒乃濕與熱瘀滯于內表陽不宜故惡寒也。此乃辨証之法額最高。

大氣之所熏故黑先則額黑後則周身皆黑故作黑疸消石鹹寒除熱礬石除痼熱在骨髓大麥粥調服恐傷胃也然此方難用

肘後方云女勞瘕身目皆黃發熱惡寒小腹滿急小便難由大勞大熱交接後入水所致治之方即本又治交接勞復陰卵腫或縮入腹腹中絞痛或便絕即本方

千金云濕疸之爲病始得之一身盡疼發熱面色黑黃七八日後壯熱熱在裏有血當下之如抱肝狀其小腹滿者急下之亦治一身盡黃目黃腹滿小便不利方

於本方消石代滑石。王氏平經載滑石散治女勞疸即此方註云按此即前硝石方

硝與滑字形相近未知孰是兩存之

又黃疸之為病日晡所發熱惡寒小腹急身體黃額黑大便溏黑足下熱此為女勞腹滿者難治治之方。

消石

石膏各等分

服法與本方同

外臺引千金翼云小品千

金匱急文仲並同

千金翼瀉腎散主男女諸虛不足腎氣乏方。

即本方不用大麥粥用粳米粥。

酒黃疸心中懊懣或熱痛。梔子大黃湯主之。

徐商酒疸正條尚有不能食欲吐後各變証如小便不利。

足下熱腹滿不一此獨舉心中懊懣為酒疸第一的據也。
魏為實熱之邪立法也。梔子大黃大苦寒之品以泄之枳實以開破之香豉以升散之酒家積鬱成熱非此不當其施也。

喻氏法律云此治酒熱內結昏惑懊懣之劑然傷寒証中有云陽明病無汗小便不利心中懊懣者身必發黃是則諸凡熱甚於內者皆足致此非獨酒也。
梔子大黃湯方外臺引仲景傷寒論云肘後千金同名

梔子十四

梔子枳實大黃各一兩

枳實五枚

右四味

以水六升煮取二升分溫三服

金匱要略卷四

肘後云。酒疸者。心懊痛。足脛滿。小便黃。飲酒發赤斑黃。
黑。由大醉當風入水所致。治之方。即本方

千金枳實大黃湯。治傷寒飲酒。食少飲多。痰結發黃。酒
疸心中懊惱。而不甚熱。或乾嘔方。即本方

諸病黃家。但利其小便。假令脈浮。當以汗解之。宜桂枝加黃
耆湯主之。方見水氣病中。○千金載本方用黃耆五兩。

沉此風多濕少。邪機向表。通治之方也。諸病黃家。乃胃中
濕熱釀成。而濕性下流。當從下驅為順。故但利小便。而為
常法。假令脈浮。則濕少風多。而風性輕揚。邪機在表。當以
汗解。不可拘利小便為常矣。故用桂枝湯和營衛而解肌。

表之邪風為表虛。加黃芪而實腠理。散熱稀粥為助。使周
身微微小汗。則肌表之邪去。而雖有裏濕。亦從下滲矣。
徐云黃疸家。不獨發疸酒疸女勞疸有分別。即正黃疸

病邪乘虛所著不同。予治一黃疸百藥不效。而垂斃者。
見其偏於上。令服解射干一味。勅許而愈。又見一偏於
陰者。令服解益母草一味。數勅而愈。其凡黃疸初起。非
係發疸酒疸女勞疸者。輒令將車前根葉子。合搗取自
然汁。酒服數碗而愈。甚有卧床不起者。令將車前一味。
自然汁數盞置床頭。隨意飲之而愈。然則汗下之說。亦
設言以啓悟。其可無變通耶。案此等治法。出于繩墨之
金匱要略卷四

外所謂草頭藥者亦有効驗故附載之

外壅許仁則療急黃始得大類天行病經三兩日宜合麻黃等五味湯服之發汗以洩黃勢方

麻黃 三兩

葛根 五兩

石膏 八兩

生薑 六兩

茵陳 二兩

右以水八升煮取二升七合去滓分溫三服覆被微取汗以散之案黃家脈浮熱盛者桂枝加黃耆湯非所宜此方有大青龍之意當隨證採用故附于此

諸黃猪膏髮煎主之

程扁雀有療黃經明堂有烙三十六黃法皆後人所未見

唯聖濟總錄載三十六黃方論詳明治法始備今猪膏髮煎能治諸黃當是黃之輕者可從小便而去至若陰黃急黃女勞之屬豈猪膏髮煎所能治乎醫者審之尤此治黃不濕而燥者之法按傷寒類要云男子女人黃疸飲食不消胃脹熱生黃衣在胃中有燥屎使然猪膏煎服則愈蓋濕熱經久變為堅燥譬如金匙熱久則濕去而乾也本草猪脂利血脈解風熱亂髮消癰開關格利水道故曰病從小便出

猪膏髮煎方

外壅引仲景傷寒論云肘後備急

猪膏

半斤

外壅引仲景傷寒論云肘後備急

猪膏

半斤

外壅引仲景傷寒論云肘後備急

右二味和膏中煎之。髮消藥成。分再服。病從小便出。味下外臺

有內髮二字。藥成作蓋。研絞去膏細滓。七字。方後云。大醫按。對史脫家。再病。胃中乾。黃下。便差。神驗。

案外臺引肘後療黃疸者。一身面目悉黃。如搗柚。暴得

熱。外以冷迫之。熱因留胃中。生黃衣。熱熏上所致。方猪

脂一斤。右一味煎成者。溫令熱。盡服之。日三。燥屎當下。

下則稍愈。便止。証類本草引傷寒類要。尤則採之于証

類也。今本肘後無效。外臺又引近効。主療亦同。

肘後女勞疸者。身目皆黃。發熱惡寒。小腹滿急。小便難。

由大勞大熱。交接後入水所致。治之方。即本方。喻氏法律引肘後云。

蓋女勞疸。血瘀膀胱。非直入血分之藥。必不藥開。然宜經過。從礬石。過燥。明是治血燥矣。

徐云。予友駱天游黃疸腹大如鼓。百藥不效。用猪膏四兩。髮灰四兩。一劑而愈。仲景豈欺我哉。

黃疸病茵陳五苓散主之。原註一本云茵陳湯。及五苓散並主之。

徐此表裏兩解之方。然五苓中有桂朮。乃為稍涉虛者。設

也。尤此正治濕熱成瘕者之法。茵陳散結熱。五苓利水去

濕也。鑑黃疸病之下。當有小便不利者之五字。茵陳五苓

散方有著落。必傳寫之遺。

茵陳五苓散方。外臺引仲景傷寒論文同。云小

茵陳蒿末十分五苓散五分方。見痰飲中。

右二味和先食飲方寸匕。日三服。外臺作右二味和先食

金匱要略卷四

外臺又五苓散利小便治黃疸方

即本方不用茵陳千金深師范汪同

三因方五苓散治伏暑鬱發黃小便不利煩渴用茵陳煎湯調下

嚴氏濟生方加減五苓散治飲食伏暑鬱發黃煩渴小便不利○於本方去桂枝加茵陳

半繩茵陳五苓散治傷寒溫濕熱病感冒後發為黃疸小便黑赤煩渴發熱不得安寧此蓋汗下大早服藥不對証因感濕熱病以致遍身發黃○右用生料五苓散一兩加入茵陳半兩車前子一錢木通柴胡各一錢半

酒後得證加乾葛二錢燈心五十莖水一碗煎八分連進數服小便清利為愈

黃疸腹滿

小便不利而赤自汗出此為表和裏實當下之宜

大黃消石湯

宋本消石作滑石下云非服經作大黃黃藥皂子芒消湯

金李延曰腹滿小便不利而赤裏病也自汗出表和也裏

病者濕熱內甚用梔子清上焦濕熱大黃瀉中焦濕熱黃藥清下焦濕熱消石則於苦寒濕熱之中而有燥烈發散之意使藥力無所不至而濕熱悉消散矣

大黃消石湯方

千金名大黃黃藥湯名大黃湯外臺引仲

千金翼深師范汪並同

大黃

黃蘗

消石

各四兩

枳實

十五枚

右四味以水六升煮取二升去滓內消更煮取一升頓服。喻氏法律云濕熱鬱蒸而發黃其當從下奪亦須做治傷寒之法裏熱者始可用之重則用大黃硝石湯蕩滌其濕熱如大承氣湯之例稍輕則用枳實大黃湯消解而兼下奪如三黃湯之例更輕則用茵陳蒿湯消解爲君微加大黃爲使如梔豉湯中加大黃如博棊子大之例是則汗法固不敢輕用下法亦在所慎施以瘴證多夾內傷不得不回護之耳。外臺必効大黃湯療急黃疸內等黃方。

大黃

三兩

芒消

二兩

右二味以水二升生漬大黃一宿平旦絞汁一升半內芒消攪服須臾當快利差。

聖惠治黃病腹脹滿小便澀而赤少。

於本方中加冬葵子。

黃疸病小便色不變欲自利腹滿而喘不可除熱熱除必噦。噦者小半夏湯主之。

方見瘧飲中○外臺引仲景傷寒論云范汪同

凡便清自利內無熱微則腹滿非裏實喘非氣盛矣雖有

疸熱亦不可以寒藥攻之熱氣雖除陽氣則傷必發爲噦噦呢逆也。魏氏謂胃陽爲寒藥所墜欲升而不能者是也。

小半夏溫胃止嘔。嘔止然後溫理中藏。使氣盛而行健。則
喘滿除。黃病去。非小半夏能治渾也。

聖惠小半夏散。陰黃小便色不變。欲自利而不利。腹滿
而喘者。必噦。噦者宜服此方。

半夏一兩 人參二兩 葛根二兩

右件藥。搗鹿羅爲散。每服四錢。以水一中盞。入生薑
半分。煎至六分。去滓。不計時候溫服。

諸黃腹滿而嘔者。宜柴胡湯。原註必小柴胡湯方見嘔吐中。原不黃作勞。今據諸本改定。

魏作勞解之非

程經曰。嘔而腹滿。視其前後。知何部不利。利之則愈。今黃

家腹痛而嘔。應內有實邪。當是大柴胡以下之。若小柴胡
則可止嘔。未可療腹痛也。明者詳之。鑑嘔而腹痛。胃實熱
也。然必有潮熱便乾。始宜大柴胡湯兩解之。若無潮熱便
乾。則當用小柴胡湯去黃芩。加芍藥和之可也。案玉機小柴胡湯加

男子黃。小便自利。當與虛勞小建中湯。

方見虛勞中

鑑高世拭曰。女爲陰。男爲陽。陰主血。陽主氣。男子黃。陽氣

虛也。黃者土之色。陽氣虛而土色外呈。中無濕熱。故小便

自利。此爲虛也。尤小便利者。不能發黃。以熱從小便去也。

今小便利而黃不去。知非熱病。乃土虛而色外見。宜補中。

金匱輯義卷四

而不可除熱者也。夫黃痺之病，濕熱所鬱也。故在表者汗而發之，在裏者攻而去之。此大法也。乃亦有不濕而燥者，則變清利為潤導，如猪膏髮煎之治也。不熱而寒，不實而虛者，則變攻為補，變寒為溫，如小建中之法也。其有兼證錯出者，則先治兼証，而後治本証，如小半夏及小柴胡之治也。仲景論黃疸一証，而於正變虛實之法，詳盡如此，其心可謂盡矣。

王氏陰證畧例云：內感傷寒，勞役形體，飲食失節，中州變寒之病，生黃，非傷寒壞之而得，只用建中理中，大建中，足矣。不必用茵陳也。何氏醫確云：陰黃，小便清白，大

便不實，喜靜能臥，脈遲弱無力，身冷自汗，當以虛寒治之。仲景所謂男子黃，小便自利，與小建中湯。王海藏謂中州寒生黃，用大小建中，不必茵陳，皆氣虛之陰黃也。氣虛則脾不運，久瘀于裏，則脾敗而色外見，故黃。其黃色必淡，戴復菴謂失血後多令面黃，或偏身黃，血不榮也。如竹木春夏葉潤則綠，至秋則乾黃，宜養榮湯，十全大補湯，此血虛之陰血也。此為乾黃，小便利，四肢不沉重也。○案治陰黃，醫學綱目用理中加茯苓湯，喻氏治

女勞疸屬虛者，用八味腎氣丸。聖惠治房黃，用鹿茸散。

虞其燕地山朱五味黃芩杜蟻之類，皆不用茵陳。然如韓氏小茵陳湯。

附子、甘茵陳四逆湯。茵陳附子湯。茵陳茱萸湯。羅氏茯苓茵陳。苓朮子茵陳湯之類。皆附子茵陳並用。蓋本于千金翼。治黃疸小便赤黃方。前胡、茯苓、椒目、附子、茵陳。之意。寒熱錯雜者。亦宜隨証而撰用。不必執拘矣。

附方

茯苓湯治諸黃。方見喝病中。

沉瓜蒂湯吐痰也。若邪衝於胸膈。或心煩懊憹。欲吐而無他病者。當用此湯。吐去黃水。因其高而越之也。

外臺刪繁。療天行毒熱。通貫臟腑。沉鼓骨髓之間。或為黃疸黑疸赤疸白疸殺疸馬黃等疾。喘急須臾而

絕方

瓜蒂二七

右一味。以水一升。煮取五合。作一服。○案此方與喝病所載同。北史麥鐵杖傳。瓜蒂噴鼻。療黃不差。致千金外臺用瓜蒂等二三味者。凡八方。多係于吹兩鼻中出黃水。正是別法。故此不錄。出當致原書。

千金麻黃醇酒湯治黃疸。外臺引仲景傷寒論云。小品古法。治傷寒熱出。黃疸。今錄。張文仲經心錄同。千金外臺黃疸。引古今方文同。

麻黃三兩。外臺作一

右一味。以美清酒五升。煮取二升半。頓服盡。冬月用酒。

金匱要略卷四

卷四

春月用水煮之。

沉外感風寒濕熱在表營衛成黃或脈自浮當以汗解者用此一味煮酒使其微上微下行陽開腠而驅營分之邪則黃從表解矣。

○驚悸吐衄下血胸滿瘀血病脈證治第十六

脈證十二條

方五首

寸口脈動而弱動即為驚弱則為悸。

沉驚從外入悸是內發悸者心神恍惚跳動不能自主之貌也。徐前奔弛章既言有驚怖有火邪皆從驚發得之。此又另揭驚悸言之。非詳其病所從得。乃謂病有驚狂不安。

若有只心悸不寧者驚乃邪襲於心在實邊故其寸口脈動動者有粒如豆也悸乃神不能主在虛邊故其寸口脈弱弱脈來無力也動而弱者有邪襲之而心本原虛也故驚悸並見然而脈仍分屬動則驚氣之發弱則悸氣所形故曰動即為驚弱則為悸。

師曰尺脈浮目睛暈黃衄未止暈黃去目睛慧了知衄今止。尺脈浮全屬作火其源作尺中自浮未上有必字脈經云問曰衄衄連日不止其脈何類師曰脈來輕輕在肌肉尺中自下與寸文同

凡尺脈浮知胃有游火目睛暈黃知肝有畜熱衄病得此則未欲止蓋血為陰類為腎肝之火熱所逼而不守也若

暈黃去。目睛且慧了。知不獨肝熱除。腎熱亦除矣。故其衄

今當止。

又曰。從春至夏。衄者太陽。從秋至冬。衄者陽明。

尤血從陰經。並衝任而出者。則爲吐。從陽經並督脈而出者。則爲衄。故衄病皆在陽經。但春夏陽氣浮。則屬太陽。秋冬陽氣伏。則屬陽明爲異耳。所以然者。就陰陽言。則陽主外。陰主內。就三陽言。則太陽爲開。陽明爲闔。少陽之脈。不入鼻頰。故不主衄也。

衄家不可汗。汗出必額上陷。脈緊急。直視不能眴。不得眠。

尤血與汗皆陰也。衄家復汗。則陰重傷矣。脈者血之府。額

上陷者。額上兩旁之動脈。因血脫於上。而陷下不起也。脈

緊急者。寸口之脈。血不榮而失其柔。如木無液而枝廼勁也。直視不眴不眠者。陰氣亡。則陽獨勝也。經云。奪血者無

汗。此之謂夫。

詳傷寒論解義太陽中篇

病人面無血色。無寒熱。脈沉弦者。衄。浮弱手按之絕者。下血。

煩數者。必吐血。

蓋淵寒熱上無無字趙徐沉尤並無血色之血字

經靈樞經曰。

血脫者。大然不澤。上經曰。男子面色薄者。主

渴及亡血。今病人面無血色。脫血之象也。上經曰。男子脈

虛沉弦。無寒熱。時目瞑。兼衄。今無寒熱。而脈弦。衄者。則與

上證不殊。爲勞證也。若脈浮弱。手按之絕者。有陽無陰也。

金匱要略卷四

故知下血煩數者。病屬上焦也。故知吐血。尤無寒熱。病非外感也。衄因外感者。其脈必浮大。陽氣重也。衄因內傷者。其脈當沉弦。陰氣厲也。雖與前尺脈浮不同。其為陰之不靖則一也。若脈浮弱。按之絕者。血下過多。而陰脈不充也。煩數者。血從上溢。而心肺焦燥也。此皆病成而後見之診也。

夫吐血。欬逆上氣。其脈數而有熱。不得臥者死。巢源數下有浮大二字

尤脈數身熱。陽獨勝也。吐血欬逆上氣。不得臥。陰之燥也。以既燥之陰。而從獨勝之陽。有不盡不已之勢。故死。

夫酒客。欬者必致吐血。此因極飲過度所致也。

徐此言吐血。不必由於氣不攝血。亦不必由於陰火熾盛。其有酒客而致欬。則肺傷已極。又為欬所擊動。必致吐血。故曰極飲過度所致。則治之者。當以清酒熱為主也。

三因方云。病者因飲食過度傷胃。或胃虛不能消化。致翻嘔吐逆物。與氣上衝。噦胃口。決裂所傷。吐出。其色鮮紅。心腹絞痛。白汗自流。名曰傷胃吐血。理中湯能止之者。以其功最理中脘。分利陰陽。安定血脈。證治要訣加葛根川芎或只煮乾薑甘草湯。飲之亦妙。方見養生必用。

寸口脈弦而大。弦則為減。大則為芤。減則為寒。芤則為虛。寒虛相擊。此名曰革。婦人則半產漏下。男子則亡血。

尤此條已見虛勞病中。仲景復舉之者。蓋謂亡血之證有
從虛寒得之者耳。

亡血不可發其表。汗出卽寒慄而振。

太陽中篇脈經血下有字。

蓋凡失血之後。血氣未復。爲亡血也。皆不可發汗。失血之初。固屬陽熱。亡血之後。熱隨血去。熱雖消。而氣逐血虛。陽亦微矣。若發其汗。則陽氣衰微。力不能支。故身寒慄慄。而振振發動也。發陰虛之汗。汗出則亡陰。卽發吐衄之汗也。故見不得眠。不得眠。亡陰之病也。發陽虛之汗。汗出則亡陽。卽發亡血之汗也。故見寒慄而振。亡陽之病也。李昉曰。奪血者無汗。以汗與血俱屬心液。血亡液竭。無復餘液作

汗也。今又發表。則陰虛且更亡陽。表間衛氣虛極。故寒慄而振。

病人胸滿唇痿。舌青口燥。但欲漱水。不欲嚥。無寒熱。脈微大。

末遲。

腹不滿。其人言我滿。爲有瘀血。

此下脈經有當汗出不出內結亦爲瘀血十一

鑑表實無汗。胸滿而喘者。風寒之胸滿也。裏實便滿。胸滿

煩熱者。熱壅之胸滿也。面目浮腫。胸滿喘不得卧者。停飲

之胸滿也。呼吸不快。胸滿大息。而稍寬者。氣滯之胸滿也。

今病人無寒熱他病。惟胸滿唇痿。舌青口燥。漱水不欲嚥。

乃瘀血之胸滿也。唇舌血華之處也。血病不榮。故痿瘁色

金匱要略卷四

變也。熱在血分。故口渴。漱水不欲嚥也。脈微大來遲。陰凝之診。則當腹滿。今腹不滿。詢之其人言我滿。在胸不在腹也。與上如是之証推之。爲有瘀血也。沉假令氣分熱盛。則腹脹滿。今腹不滿。而言我滿者。乃外雖不滿。內臟血壅氣滯而脹。故言我滿。知是瘀血矣。

案程云。脣痿未詳所以誤。

病者如熱狀。煩滿口乾燥而渴。其脈反無熱。此爲陰伏。是瘀血也。當下之。陰伏之伏。趙本作狀非。

鑑此承上文互詳証脈以明其治也。如熱狀卽所謂心煩胸滿口乾燥渴之熱証也。其人當得數大之陽脈。今反見

沉伏之陰脈。是爲熱伏於陰。乃瘀血也。血瘀者當下之。宜挑核承氣抵當湯丸之類也。

大邪者。

桂枝去芍藥加蜀漆牡蠣龍骨救逆湯主之。沉不載此條

程此章當在第八篇中。簡脫在此。尤此但舉大邪二字。而

不詳其證。按傷寒論云。傷寒脈浮。醫以大迫劫之。亡陽必

驚狂起卧不安。又曰太陽病。以大熏之。不得汗。其人必躁。

到經不解。必圜血。名爲大邪。仲景此條。殆爲驚悸下血備

其証歟。桂枝湯去芍藥之酸。加蜀漆之辛。蓋欲使火氣與

風邪一時並散。而無少有留滯。所謂從外來者。驅而出之

於外也。龍骨牡蠣則收斂其浮越之神與氣爾。

案外臺實氣門引小品云師曰病有奔豚有吐膿有驚悸有火邪此四部病者皆從驚發得之火邪者挂枝加龍骨牡蠣湯主之據此則程註爲是

挂枝救逆湯方

挂枝

甘草二兩

生薑三兩

牡蠣五兩

龍骨

大棗十二枚

蜀漆三兩

古爲末以水一斗二升先煮蜀漆減二升內諸藥煮取三升去滓溫服一升

爲末宋叔傷寒論作七味是

心下悸者半夏麻黃丸主之

脈經無此條

鑑此方是治寒水心下悸者與首條之脈弱悸病不合必

是錯簡

半夏麻黃丸方

肘後無方名

半夏

肘後云湯洗去滑乾

麻黃等分

右二味末之煉蜜和丸小豆大飲服三九日三服

案服三九甚少本草綱目作三十九似是然要之此方可疑

吐血不止者栝葉湯主之

徐此重不止二字

是謂寒涼止血藥皆不應矣吐血本由

陽虛不能導血歸經然血亡而陰虧故以栝葉之最養陰

者爲君艾葉走經爲臣而以乾薑溫胃爲佐馬通導大便

金匱要略卷四

下爲使。惡意無馬通。童便示得。按本草載此方。乃是栝葉一把。乾薑三升。阿膠一挺。炙合煮。入馬通一升。未知孰是。候參。程中焦受氣。取汁變化而赤。是謂血。血者內藏府。外行肌膚。周流一身。如源泉之混混。得熱則迫。血妄行。而作吐衄。卽後瀉心湯之證是也。得寒則不與氣俱行。滲於胃中。而作吐。故有隨滲隨出。而令不止。栝葉湯者。皆辛溫之劑。神農經曰。栝葉主吐血。乾薑止唾血。艾葉止吐血。馬通者。白馬屎也。凡屎必達洞腸乃出。故曰通。亦微溫。止吐血。四味皆辛溫行陽之品。使血歸經。遵行隧道。而血自止。

栝葉湯方

外臺引仲景傷寒論千金無方名

栝葉

乾薑

各三兩○千金作二兩外臺作青栝葉三兩乾薑二兩切

艾

三把○千金作一把

右三味。以水五升。取馬通汁一升。合煮取一升。分溫再服。

案外臺非右三味。以水五升。煮取一升。去滓。別絞取新出馬通汁一升。相合。煎取一升。綿濾之。溫分再服。馬通是馬屎。云馬屎名馬通。止瀉中吐血。金匱本

千金治吐血內崩。上氣面色如土方。

卽本方。注云。仲景栝葉湯。不用阿膠。

小品不用栝葉。與此後同。

又治上焦熱。瞋傷吐血衄血。或下血連日不止。欲死。於本方去栝葉。用竹茹阿膠。

下血先便後血。此遠血也。黃土湯主之。

遠原本作遠。今據諸本改。

金匱要略卷四

天

唐書卷四

程先便後血。以當便之時。血亦隨便而下。行。內經曰。結陰者。便血一升。再結二升。三結三升。以陰氣內結。不得外行。血無所稟。滲入腸間。故上經曰。小腸有寒者。其人下重。便血。夫腸有夾層。其中脂膜聯絡。當其和平。則行氣血。及其節養失宜。則血從夾層。滲入腸中。非從腸外而滲入腸中也。滲而即下。則色鮮。滲而留結。則色黯。內經曰。陰脈不和。則血留之。用黃土附子之氣厚者。血得溫。即循經而行也。結陰之屬。宜於溫補者如此。鑑先便後血。此遠血也。謂血在胃也。即古之所謂結陰。今之所謂便血也。先血後便。此近血也。謂血在腸也。即古之所謂腸澼爲痔下血。今之所

謂藏毒腸風下血也。趙良曰。腸胃陽明經也。以下血言胃居大腸之上。若聚於胃。必先便後血。去肛門遠。故曰遠血。若聚大腸。去肛門近。故曰近血。尤黃土溫燥入脾。合白朮附子。以復健行之氣。阿膠地黃甘草。以益脫竭之血。而又蘇辛溫之品。轉爲血病之厲。故又以黃芩之苦寒。防其太過。所謂有制之師也。

黃土湯方

原註。赤土。血。外臺引。仲景。傷寒論。千金。治卒吐血。及血。方。

甘草

乾地黄

千金。用乾地黄。注。元仲景。用。地黃。

附子炮。○。干。

阿膠外臺。有。炙。字。

白朮

適中黃土半斤。○。千金。作。伏龍肝。半斤。外。

黃芩各三兩。

金匱要略卷四

三九 建修堂藏版

右七味以水八升煮取三升分溫二服。外臺作煮六味取二升去滓內膠令

下血

先血後便此近血也。赤小豆當歸散主之。方見狐惑中

程此內經所謂飲食不節起居不時則陰受之陰受之則入五藏爲腸辟下血之屬故用當歸以和血脈赤豆以清藏毒與黃土湯不侔也。梅師方云熱毒下血或食熱物發動以赤小豆爲末水調服則知此方治藏毒下血黃土湯治陰下血有霄壤之分也。

徐氏醫法指南云先血後便近血也大腸血也感而卽發俗謂之腸風赤小豆當歸散主之先便後血遠血也。

胃血也積久而發俗謂之臟毒黃土湯主之。

葉千金諸下血先見血後見便此爲遠血宜服黃土湯先見便後見血此爲近血宜服赤小豆散此遠近二字互誤三焦虛實門有遠血近血二方主療與本經同而千金翼論及外臺引崔氏亦誤張氏醫通却以金匱爲傳寫之誤尤非也。巢源云大便下血鮮而腹痛冷氣在下血者血來速前下血後便者血來近此亦可以証耳。備預百要方血痢方。

赤小豆

三升
炙

當歸 三兩

千金伏龍肝湯治下焦虛寒損或先見血後便轉此為

右二味搗篩為散服方寸匕日三薄粥溫下
逆血或利不利方

伏龍肝

五合末

乾地黄

五兩

阿膠

牛膝

甘草

乾薑

黃芩

地榆

各三兩

髮灰

二合

右九味咬咀以水九升煮取三升去滓下膠煮消下
髮灰分為三服張氏衍義云可見治血但取歸經不必究其先後速逆耳
又續斷止血湯治下焦虛寒損或先便轉後見血此為
逆血或利或不利好因勞冷即發

續斷

當歸

桂心

蒲黃

阿膠

各一兩

甘草

二兩

乾薑

乾地黄

各四兩

右八味咬咀以水九升煮取三升半去滓下膠取烱

下蒲黃分三服

張氏衍義云驗其血色晦淡則當用金匱法辨紫當用千金法方為合轍

醫林方阿膠丸治便血先便而後血謂之濕毒

阿膠

黃連

白茯苓

白芍藥

右為細末水和為丸如桐子大每服五十九丸加至一
百丸溫水送下日進四五服

又芍藥散治先血而後便為之臍毒

白芍藥

黃芩

當歸

已上各等分

金匱要略卷四

卷四

雜考

右為細末。滴水為丸。如桐子大。每服五七十九。煎甘

草湯送下。

案濕毒。臟毒。即遠血。近血也。故附載以備攷。

千金心藏門。不足。作不足。

心氣不足。吐血衄血。瀉心湯主之。
心氣不足者。心中之陰氣不足也。陰不足。則陽獨盛。血為熱迫。而妄行不止矣。大黃黃連黃芩瀉其心之熱。而血自寧。冠氏云。若心氣獨不足。則當不吐衄也。此乃邪熱因不足。而客之。故令吐衄。以苦泄其熱。以苦補其心。蓋一舉而兩得之。
案出本。此說亦通。濟衆方。用大黃生地汁。治衄血。其下熱涼血。亦瀉心湯類耳。

案金鑑。改不足二字。作有餘二字。非。

瀉心湯方

原註。亦治霍亂。○案經。元尤金鑑。刪去四字。是。

大黃

二兩

黃連

黃芩

各一兩

右三味。以水三升。煮取一升。頓服之。

經心主血。心氣不足。而邪熱乘之。則迫血妄行。故有吐血之患。夫火上作苦。故內經曰。苦先入心。三黃之苦。以泄心之邪熱。

千金。巴郡太守。奏三黃圓。治男子五勞七傷。消渴不生肌肉。婦人帶下。手足寒熱者方。

春三月黃芩

四兩

大黃

三兩

黃連

四兩

夏三月黃芩

六兩

大黃

一兩

黃連

七兩

秋三月黃芩

六兩

大黃

二兩

黃連

三兩

陰虛陽虛

卷四

三

陰虛陽虛

冬三月黃芩 三兩

大黃 五兩

黃連 二兩

右三味隨時加減和搗以蜜爲丸如大豆飲服五九日三不知稍加至七九取下而已。

又三黃散治黃疸身體面目盡黃。

外臺集驗大黃散同。

本方三味各四兩治下飾先食服方寸匕日三。

和劑局方三黃圓治丈夫婦人三焦積熱上焦有熱攻衝眼目赤腫頭項腫痛口舌生瘡中焦有熱心膈煩躁不美飲食下焦有熱小便赤澀大便秘結五藏俱熱即生瘡癰瘡瘻及治五般痔疾糞門腫痛或下鮮血小兒積熱。

本方三味各拾兩右爲細末煉蜜爲圓如梧桐子大每服三拾圓用熱水吞下如藏府壅實加服圓數本事方三黃散治衄血無時。

本方三味細末每服二錢新汲水調下蜜水亦得直指方川芎三黃散治實熱衄血。

於本方加川芎各等分爲末每服二錢食後井水調服按華方犀角地黃湯治熱甚血積胸中。

於本方加犀角地黃。

神効名方黃連散治黃疸大小便秘澀壅熱於本方用黃連三兩加甘草一兩。

右為細末。每服二錢。食後溫水調下。一日三服。

○嘔吐噦下利病脈證治第十七

論一首 脈證二十七條 方二十三首

夫嘔家有瘰癧不可治。嘔膿盡自愈。

鑑嘔家嘔吐或穀或水或痰涎或冷沫。今嘔而有膿。此內有瘰癧潰而嘔。非嘔病也。故曰不可治。嘔膿盡自愈。趙良曰。此瘰癧之在胃脘上口者也。若過半中在肺之下者。膿則不從嘔出而從大便出矣。詳傷寒論輯義厥陰篇

先嘔却渴者。此為欲解。先渴却嘔者。為水停心下。此屬飲家。嘔家本渴。今反不渴者。以心下有支飲故也。此屬支飲。此屬飲家

四字千金作小半夏湯主之。嘔家本渴以下見。飲病篇此屬支飲飲病篇作小半夏湯主之。

尤嘔家必有停痰宿水。先嘔却渴者。痰水已去。而胃陽將復也。故曰此為欲解。先渴却嘔者。因熱飲水過多。熱雖解而飲旋積也。此嘔因積飲所致。故曰此屬飲家。嘔家本渴。水從嘔去故也。今反不渴者。以宿有支飲在心下。愈動而愈出也。故曰此屬支飲。

外證。或嘔家本渴以下而註云。張仲景雜方。此證當用。小半夏加茯苓湯。方在支飲門中。

問曰。病人脈數。數為熱。當消穀引食。而反吐者何也。師曰。以

發其汗。令陽微。陽微。脈乃數。數為客熱。不能消穀。胃中虛。論讀解義卷四

及何也
師曰字

冷故也。脈弦者虛也。胃氣無餘。朝食暮吐。變爲胃反。寒在於上。醫反下之。令脈反弦。故名曰虛。太陽中篇陽微作陽氣微故也之問有吐字無問曰
尤脈數爲熱。乃不能消穀引飲而反吐。以發汗過多。陽微弱虛所致。則其數爲客熱上浮之數。而非胃實氣熱之數矣。客熱如客之寄。不久卽散。故不能消穀也。脈弦爲寒。乃不曰寒而曰虛者。以寒在於上。而醫反下之所致。故其弦非陰寒外加之弦。而爲胃虛生寒之弦矣。胃虛且寒。陽氣無餘。則朝食暮吐。而變爲胃反也。讀此知數脈弦脈均有虛候。曰熱曰寒。蓋淺之乎。言脈者耳。鑑問曰病人脈數至

胃中虛冷故也等句。已詳傷寒論陽明篇內。錯簡在此。且與脈弦者虛也。文義不屬。

巢源云。夫榮衛俱虛。血氣不足。停水積飲。在於胃管。則藏冷藏冷而脾不磨。脾不磨則宿穀不化。其氣逆而成胃反也。則朝食暮吐。暮食朝吐。心下牢大如杯。往來寒熱。甚者食已則吐。其脈緊而強。緊則爲寒。弦則爲虛。虛寒相搏。故食已則吐。名爲反胃也。聖惠論云。夫反胃者。爲食物嘔吐。胃不受食。言胃口翻也。則有因飲酒過傷所致。則有因憂悵快。猜怒腸結。胃翻所致。則有宿滯病。疏積聚冷痰。久不金除。積成痰疾。其中有饒食便吐有

食久乃翻不可一察用方切在子細體認也案反翻同
寸口脈微而數微則無氣無氣則榮虛榮虛則血不足血不
足則胸中冷

鑑按此條文義不屬必是錯簡

跌陽脈浮而濡浮則為虛虛則傷脾脾傷則不磨朝食暮吐

虛則脈經千金

暮食朝吐宿穀不化名曰胃反脈緊而濡其病難治

虛則脈經千金

經曰跌陽脈浮而濡知脾氣不足胃氣虛也夫浮為虛

濡為血不足跌陽得之必知脾氣不治華陀曰脾主消磨
水穀聞聲則動動則磨胃而主運化今胃能納而脾不能

磨則胃中之穀必不能消是以朝食而暮吐暮食而朝吐

為胃反之證也

尤胃為陽脾為陰浮則為虛者胃之陽虛

也濡則傷脾者脾之陰傷也穀入於胃而運於脾脾傷則

不能磨脾不磨則穀不化而朝食者暮當下暮食者朝當

下若穀不化則不得下不得下必反而上出也

盛也濡者津亡也胃中因虛而寒因寒而燥因燥而津枯

正不足而邪有餘反胃之病難治可決矣欲補陽而津枯

有妨于補陽欲生津而陽衰有碍于補陰棘手難下者要

在乎失治于早而已

病人欲吐者不可下之

金匱要略卷四

尤病人欲吐者。邪在上而氣方逆。若遽下之。病氣必與藥氣相爭。而正乃蒙其禍矣。否則裏虛邪入。病氣轉深。或痞或利。未可知也。故曰不可下之。程欲字作吐而未吐之義。

使人溫溫欲吐也。

噦而腹滿。視其前後。知何部不利。利之即愈。

徐云噦恐嘔字。案厥陰篇亦作

噦。沉此明實噦之治也。噦者。俗謂呃也。鑑趙良曰。腹滿爲實。實則氣上逆。而作噦。故必視其前後。何部不利。而利之。則滿去。而噦止。魏胃氣上逆。冲而爲噦。治法當視其前後。審大小便調不調也。前部不利者。水邪之逆也。當利其小便。

而噦愈。後部不利者。熱邪實也。當利其大便。而噦愈。

治人書云。前部不利。猪苓湯。後部不利。調胃承氣湯。嘔而胸滿者。茱萸湯主之。

尤胸中陽也。嘔而胸滿。陽不治而陰乘之也。故以吳茱萸散陰降逆。人參薑棗補中益陽氣。茱萸湯方。

吳茱萸一升

人參三兩

生薑六兩

大棗十二枚

右四味。以水五升。煮取三升。溫服七合。日三服。詳傷寒輯。肘後方云。治人食畢噦。醋及醋心。即本方外。薑引。年作食訛醋咽。多

三四方云。病者心膈脹滿。氣逆於胸間。食入即嘔。嘔盡却快。名曰氣嘔。胃者足陽明合榮於足。今隨氣上逆。結於胃口。故生嘔病也。茱萸人參湯治氣嘔。胸滿不納食。

嘔吐涎沫頭疼。

即本方。

乾嘔吐涎沫頭痛者。茱萸湯主之。

方見上。

徐乾嘔者。有聲無物也。物雖無而吐涎沫。仲景曰。上焦有寒。其口多涎。上焦既有寒。寒爲陰邪。格陽在上。故頭痛。此胸滿而嘔。似有輕重表裏不同。然邪必乘虛。故亦用茱萸湯兼補以驅濁陰。謂嘔有不同。寒則一也。詳傷寒論辨義厥陰篇。嘔而腸鳴。心下痞者。半夏瀉心湯主之。

尤邪氣乘虛陷入心中。中氣則痞。中氣既痞。升降失常。於是陽獨上逆而嘔。陰獨下走而腸鳴。是雖三焦俱病。而中氣爲上下之樞。故不必治其上下。而但治其中。黃連黃芩苦以降陽。半夏乾薑辛以升陰。陰升陽降。痞將自解。人參甘草則補養中氣。以爲交陰陽通上下之用也。徐親見一乳母吐嘔五日。百藥不能止。後服乾薑黃連二味立止。卽此方之意也。

半夏瀉心湯方

半夏洗半升

黃芩

乾薑

人參各三兩

黃連一兩

大棗十二枚

甘草三兩

金匱要略卷四

卷八

金匱要略卷八

右七味以水一斗煮取六升去滓再煮取三升溫服一升

日三服

詳傷寒論辨
裁太陽下篇

外臺刪據半夏瀉心湯療上焦虛寒腸鳴下利心下痞

堅

於本方去大棗加桂心三兩

出霍亂門

乾嘔而利者黃芩加半夏生薑湯主之

徐傷寒論芩甘棗芍四味為黃芩湯治太陽少陽合病蓋太少之邪合而內入則協熱而利故以黃芩為主也然邪既內入或有復搏飲者嘔多此其明證矣故加半夏生薑經乾嘔者無物嘔出也中焦不和則氣逆於上而作嘔迫

於下而為利故用半夏生薑入上焦以止嘔甘草大棗入中焦以和脾黃芩芍藥入下焦以止利如是則正氣安而邪氣去三焦和而嘔利止

藥源云乾嘔者胃氣逆故也但嘔而欲吐吐而無所出故謂之乾嘔也

黃芩加半夏生薑湯方

黃芩 三兩

甘草 二兩

芍藥 二兩

生薑 三兩

大棗 十二箇

半夏 半升

右六味以水一斗煮取三升去滓溫服一升日再夜一服諸嘔吐穀不得下者小半夏湯主之

方見痰飲中

金匱要略卷四

趙良曰。嘔吐穀不得下者。有寒有熱。不可概論也。食入即吐。熱也。朝食暮吐。寒也。此則非寒非熱。由中焦停飲氣結而逆。故用小半夏湯。

外臺傷寒嘔噦門。仲景傷寒論。嘔噦心下悸痞鞭不能食。小半夏湯。又嘔噦心下痞鞭者。以膈間有水。頭眩悸。小半夏加茯苓湯。

嘔吐而病在膈上。後思水者。解。急與之。思水者。猪苓散主之。

外臺無而字解字。

程上章言先嘔却渴。此為欲解。今嘔吐而病在膈上。後思水者。解。亦與上證不殊。故急與之。以和胃。然思水之人。又

有得水而貪飲。則胃中熱少。不能消水。更與人作病。故思水者。用猪苓。以散水飲。尤嘔吐之餘。中氣未復。不能勝水。設過與之。則舊飲方去。新飲復生。故宜猪苓散。以崇土而逐水也。

蘭臺軌範云。傷飲惡飲。此乃常理。若胸中有水。則津液下流。反口乾思水。但不能多飲耳。

猪苓散方。外臺引仲景傷寒論。

猪苓

茯苓

白水

各等分。千金云。各三兩。

右三味。杵為散。飲服方寸匕。日三服。

千金猪苓散。治嘔而膈上寒。即本方。

外臺服法後云。欲飲水者。極與之。本虛與水。則噦。攻其

熱亦噦。

嘔而脈弱。小便復利。身有微熱。見厥者難治。四逆湯主之。

魏嘔而脈弱者。胃氣虛也。小便復利。氣不足以統攝之。脫而下洩也。身有微熱。見厥。內積陰寒。外越虛陽。陽衰陰盛。其嘔爲陽浮欲越之機也。見此知爲難治。非尋常火邪痰飲之嘔也。主之以四逆湯。益陽安胃。溫中止逆。亦大不同。于尋常寒熱錯雜治嘔之方也。附子辛熱。乾薑辛溫。甘草甘平。強人倍用。以急回其陽。勿令飛越。則嘔可止也。

詳傷寒論

辨義厥陰篇